

無綫藝人郭子豪早前在社交網宣布向女友鄧卓殷求婚成功，昨日二人出席活動時大放閃光彈。鄧卓殷坦言婚禮上有很多事情都未決定，很大機會下年才結婚。她笑言籌備婚禮全權話事，因未來老公什麼都沒所謂，婚禮上的大小事情均由她決定。



李元元在母親陪同下出席活動。

# 子豪婚禮唔使諗 畀鄧卓殷揸Fit



郭子豪和鄧卓殷狗票要  
求嘍(圖)放閃。

剛宣布婚訊的郭子豪和女友鄧卓殷昨日出席社交媒體頒獎禮，應司儀要求在台上咀嘴，大晒恩愛。鄧卓殷表示已開始籌備婚禮，但未定在什麼地方舉行：「好多嘢都未定，所以下年舉行婚禮機會大啲，唔想太趕。」她坦言想在外地舉行婚禮：「不過嚟香港搞就方便親友。」問可擔心籌備婚禮時吵架？鄧卓殷笑言：「咁依家約法三章。」郭子豪則充滿信心說：「我絕對唔擔心！」

鄧卓殷表示與郭子豪甚少吵架：「通常佢話有所謂，我就再決定，之後大家再傾。佢聽完我講會唔講任何意見住，等我講晒，佢再幫我組織。(想有贊助?)有贊助當然歡迎，希望有婚紗禮服或鑽飾贊助，不過最想賓客嚟到開心，我哋有個難忘婚禮係最重要。」

同場的馬德鐘表示早前做內地直播帶貨，但形式不太合適自己性格。對有傳他不想做內地帶貨，故不續

約邵氏，他說：「唔關事，我依家都嚟內地平台一路發展緊，希望再做好啲。最想分享健康產品，同埋正能量嘅嘢。(會嚟鏡頭前騷身材?)有時做運動都會騷少少，但唔會為效果而做。(請你帶貨好貴?)唔好咁講，傾吓先啦。」

## 劉沛蘅與舊愛有聯絡

劉沛蘅穿吊帶低胸連身裙示人，被記者取笑跟洪卓立分手後可放任性感，她笑言：「我一向都係按照自己嘅喜好着衫。」提到洪卓立早前聲帶有事影響演出，劉沛蘅坦言雙方會為寵物事宜保持聯絡，故知道對方聲帶不適，現已康復七八成。問到可有追求者？她說：「有啲傾吓偈嘅朋友，但未去到了解階段。」

另外，李璨琛女兒李元元(Lucy)在母親陪同下出席活動，Lucy媽透露女兒經常重看自己網上的搞笑片段。Lucy面對鏡頭時十分害羞，她說：「如果一個鏡頭就唔驚，同埋我自己有相機，可以拍片，最鍾意拍妹妹笑嘅片。」



劉沛蘅承認跟舊愛洪卓立有聯絡。

## 黎諾懿奉旨晒Body 老婆嫌唔夠弗

黎諾懿與太太李潔瑩、沈震軒、唐麗球等昨日出席《慧妍雅集42周年慈善晚會2024》記者會，擔任慧妍會長的李潔瑩表示當上會長後快一年，未知會否繼續連任，首要做好今次慈善晚會。提到諾懿於熱播劇《婚後事》有大膽裸露的親熱戲，李潔瑩說：「我嫌佢操得唔夠弗，好彩小朋友訓咗。我唔會呷醋，拍劇唔係咩大件事，我對佢百分百信任。」諾懿笑言盡可能與太太分開收看，並說：「以我歲數其實操得好弗。」

以贊助商身份出席的沈震軒首次與慧妍雅集合作，他表示向海嵐是其健身室的客人，從生意角度來看，所有慧妍雅集成員都是他的目標客人，希望今後大家都操得美麗又健康。

黎諾懿笑言要與老婆分開睇《婚後事》。



唐麗球歡迎沈震軒贊助慧妍雅集。

炎明熹專心工作，拍拖隨緣。

## 羅霖認有追求者

羅霖(Candy)和仁美清叙主席程瑤前晚到尖沙咀出席春茗晚宴，程瑤宣布9月到長沙探訪仁美清叙小學，年底則會復辦亞洲小姐競選。將於8月踏入60歲的Candy表示不會大事慶祝，反而朋友可能會為她準備神秘派對，問到是否男朋友？她笑言：「希望係!(有追求者?)有兩個，一個做生意，一個做翡翠，都係細過我，依家啲男性都係鍾意姐姐，可能姐姐細心啲，唔係因為富有。(佢哋不想努力了?)男性必須要努力工作同有責任感，我唔會提供任何嘢，大家獨立財政。」



程瑤(左)與羅霖盛裝赴會。

## 炎明熹不信一見鍾情

「人氣王」炎明熹昨日到新城電台宣傳新歌《透光者》，問到有否試過被喜歡的男士當透明？她笑言：「從來冇人向我表白，暗戀就唔知。(你暗戀人?)暫時冇，不過我好易對人有好感，好似我啲朋友同事只要對我好少少，我就會對佢有好感，所以覺得自己好幸運。」Gigi坦言沒有特定的理想男友，覺得相處下來才知是否適合：「唔可以一識就墮入愛河，我係理智型，我會去偷偷觀察，先決定付託終身。」若將來拍拖，她坦言擔心自己變「麻煩女友」，因要兼顧學業和工作，會與對方相處時間較少。